

КАНОН СВЯТЫМ АПОСТОЛАМ

Творение Феофанове.
(читается в четверг)

Глас 4-й

Песнь 1

Ирмос: Моря черную пучину, невлажными стопами древний пешешествовав Израиль, крестообразными Моисеевыми руками Амаликову силу в пустыни победил есть.

Припев: Святии апостоли, молите Бога о нас.

Божественнии Утешителя органи, возглашающие Сего Божественными всегда дохновенными, воспеша песнь нам, яко воистинну спасительную, благославнии Христовы апостоли.

Святии апостоли, молите Бога о нас.

На одре лениости слежаща и в смерти греховней недугом душевным люте истаема, посещения мя, славнии Христовы самовидцы, сподобите.

Слава: Иже словом безсловесие разрешивше языков, апостоли, от безсловесных деяний люте омраченное сердце мое, Утешителя благодатию просветите, апостоли.

И ныне: Дева по рождестве нетленна пребыла еси, нас ради явльшагося на земли, паче слова рождающая: Егоже прилежно моли, просветити души наша.

Песнь 3

Ирмос: Веселится о Тебе Церковь Твоя, Христе, зовущи: Ты моя крепость, Господи, и прибежище, и утверждение.

Святии апостоли, молите Бога о нас.

Град Твой, Боже, словесных рек Твоих течения ученик, Владыко, священо возвеселяют.

Святии апостоли, молите Бога о нас.

Граждане Небеснии, сослужбницы мысленным чином, всеславнии апостоли, всякия нас скорби избавите.

Слава: Утвердивый, Христе, словесная Твоя небеса, утверди мя тех молитвами на камени Твоих хотений, яко благоутробен.

И ныне: Яко Мати Тя молит с ликом ученик, Господи, яже Тебе чисто Родившая: даруй нам милости Твоя.

Песнь 4

Ирмос: Вознесена Ты видевши Церковь на Кресте, Солнце праведное, ста в чине своем, достойно зывающе: слава силе Твоей, Господи.

Святии апостоли, молите Бога о нас.

Навел еси на море кони Твоя избранныя, Человеколюбче, зловерия воды возмущающия и всем разум Твой истинный возвещающия.

Святии апостоли, молите Бога о нас.

Звѣзды просветѣвши благочѣстием мысленную твердь церковную, славнии апостоли, от нощи невѣдения и прегрѣшений избавите мя.

Слава: Явльшеся якоже стрѣлы изошрѣни, апостоли, вражия разжѣнныя стрѣлы, злобы моея ныне угасите, и помышлѣние мое утвердите.

И ныне: Душу мою, огорченную ядом, сопротивнаго угрызѣнием, дѣйственным врачеваніем исцели, молитвами, Христѣ, Родившия Тя и священных апостол Твоих.

Песнь 5

Ирмос: Ты, Господи мой, свет в мир пришѣл еси, свет святыи, обращаи из мрачна невѣдения верою воспевающия Тя.

Святѣи апостоли, молите Бога о нас.

Лозы животныя процветающа гроздие, напоиша всех вином мысленнаго весѣлія, славнии апостоли.

Святѣи апостоли, молите Бога о нас.

Ко свету заповедей Божиих наставите, апостоли, иже во тме душевнаго унынія безумно пребывающия.

Слава: Избавите нас душевных прегрѣшений, и Суда будущаго, и тли, и бед, апостоли блаженнии.

И ныне: Спаси мя, Боже, яко человеколюбец, спаси мя мольбами неизреченно Тебе Родившия, и всех Божественных апостол Твоих.

Песнь 6

Ирмос: Пожру Ти со гласом хвалѣнія, Господи, Церковь вопиет Ти, от бесовския крове очищися, ради милости от ребр Твоих истекшею кровию.

Святѣи апостоли, молите Бога о нас.

Пастыря добраго богоизбранная овчата, рассеянная по миру, волков всяко зверство во овчую кротость верою преложѣша.

Святѣи апостоли, молите Бога о нас.

Божественнаго раи древеса доброплодная, преокаянныя души моея всенеплодство во благоплодие добродетельнаго нрава преведите, апостоли.

Слава: Уязвен бых сластей оружием и умрох: иже от Христа приѣмши, славнии, благодать воскрешати мертвыя, умерщвленную окаянную мою душу оживите.

И ныне: Утоли души моея свирепую бурю, Боже всех щедрый, мольбами рождившия Тя Богородицы, апостол же и мученик Твоих.

Кондак, глас 2-й

Твердыя и Боговещанныя проповѣдатели, верх ученик Твоих, Господи, прии еси в наслаждение благих Твоих и покой: болѣзни бо оных и смерть прии еси паче всякаго всеплодия, Единое сведый сердечная.

Песнь 7

Ирмос: В пещи Авраамстии отроцы персидстей, любовию благочестія паче нежели пламенем опаляеми, зываху: благословен еси в храме славы Твоея, Господи.

Святѣи апостоли, молите Бога о нас.

Крепостию всесвятыя проповѣди, нелестнии апостоли Христовы, прелести зиму разрушите и просветите богоразумием верных мудрование.

Святїи апóстоли, молїте Бóга о нас.

Мїро благоухáнное источáюще всегда́, Божéственнии ученицы́, мїра ўмного благовóния притека́ющих к вам испóлните и злосмра́дныя стра́сти отжените.

Слава: Раствéшаго мя плотскїми безмéстии, Слóва нетлénного слáвнии ученицы́, спасите мя по́юще: благословén еси́ в хра́ме слáвы Твоея́, Гóсподи.

И ныне: Лик áнгельский, лик мученик и апóстол Твоих, Слóве, мо́лят всегда́ мно́гое благоутрóбие Твое́, Человеколю́бче: всех ущéдри Богороди́цею, я́ко благоутрóбен.

Песнь 8

Ирмос: Ру́це распростёр Даниїл, львов зия́ния в ро́ве затче́: óгненную же си́лу угаси́ша, добродéтелию препоя́савшеся, благочéстия рачи́тели óтроцы, зывáюще: благословите, вся дела́ Гóсподня, Гóспода.

Святїи апóстоли, молїте Бóга о нас.

Уста́ огнедохновéнная Христóва, и́же бездвéрная уста́ заградívше и спаси́тельное проповéдание повсю́ду разсе́явше, от уст во́лка мы́сленного изба́viste вопи́ющия: вся дела́, Гóспода по́йте и превозно́сите Егó во вся вéки.

Святїи апóстоли, молїте Бóга о нас.

Воструби́те óкрест моея́ умерщвлéнныя души́, благогласныя тру́бы Христóвы, апóстоли слáвнии, и от грóба отча́яния и уны́ния лю́таго сию́ воздви́гните, во éже пéти: вся дела́, Гóспода по́йте и превозно́сите Егó во вся вéки.

Слава: Менé, закóны Твоя́, Христé, попрáвшаго умá развращéнием, менé, Влады́ко, блúднаго, во глубинú по́ползшася и обы́чаю лука́вому прїсно рабóтающа, не прэ́зри ученикóв Твоих мольба́ми.

И ныне: Мари́е, Госпожé всяческих, облада́ема мя от зми́я и согрешáюща всегда́, свободи́ молитвами Твоими́, и порабóти Христú, в жити́и чїсте воспева́ти: вся дела́, Гóспода по́йте и превозно́сите во вся вéки.

Песнь 9

Ирмос: Ка́мень неруко́сéчный от несекóмыя горы́ Тебé, Дéво, краеугóльный отсечéся, Христóс, совокупívый разстоя́щаяся естества́. Тем веселя́щеся, Тя, Богороди́це, велича́ем.

Святїи апóстоли, молїте Бóга о нас.

Ка́мение избрáнное положéнного во главú ў́гла ка́мене, созда́сте всех вéрных сердца́, ка́менем вéры вра́жия создáния, апóстоли, развэ́ргше.

Святїи апóстоли, молїте Бóга о нас.

Реши́ти и вяза́ти от Христá приéмше власть, разреши́те зол мо́их соу́з, и к любви́ Бóжией привя́жите, и Цáрствия причáстника Божéственного соде́лайте, апóстоли.

Слава: Божéственнии Влады́ки óблацы, изсо́хшее моé сéрдце вся́ким лука́вым дея́нием, Божéственными ту́чами ны́не напо́йте и плодонóсно пока́жите, апóстоли богоблажéннии.

И ныне: Со святы́ми Ангелы, с Божéственными апóстола, со слáвными мученики, Твоегó моли́ Сы́на и Бóга, Богороди́тельнице Пречи́стая, от бед изба́вити ду́ши на́ша.

Молитва

Влады́ко Гóсподи, Твой есть день и Твоя́ есть ночь, Тебé вся тварь рабóтает, и вся́кое дыха́ние сла́вит Тя. Аз же, окаянный, все жити́е моé скончáв блúдно,

страхом одержим есмь, яко помянух дни первыя, и до ныне, в няже вся нечувственная сотворих злая. И того ради не имам к Тебе дерзновения, яко беззакония моя велика, и безмерни греси мои, врази же всегда стужают ми. Но, Господи мой, Господи, отверзый устне немому, и моя уста отверзи, да глаголю в молитве угодная Тебе, се бо душа моя яко земля безводная оста, и не может приносить от себе плода. Но даждь ми от семени Святаго Твоего Духа, и напои мя росию благодати Твоея, да принесу Тебе плод покаяния. Господи Иисусе Христе, хотяи всем человеком спастися, услыши молитву мою, молитвами святых апостол Твоих, яко ти молятся за ны, и аз теми у Тебе прошу прощения, яко тех молитвы присно послушаеши; молением их спаси мя, грешнаго, исцели болезни сердца моего, уврачуи струпы души моея, разжжи утробы моя; пламень страха Твоего да поест терние грехов моих, и душу мою любовью прохладит, к Тебе бо желаю истинному Свету, и Подателю света, у Тебе Единого прошу милости: спаси мя, насыти алчущую и напои жаждущую душу мою, от потока безчисленнаго милосердия Твоего, покрый мя благодатию Твоего человеколюбия от всякаго зла, да Тобою храним избавлюся многих сетей лукаваго, по вся дни на мя пропинаемых, и да не похвалятся врази мои о мне, рабе Твоем, уповающем на Тя, и спаси мя по милости Твоей. Да воздам обеты моя, до последнего издыхания каюсь о своих согрешениях, и прославлю пресвятое имя Твое, со Отцем и Святым Духом, ныне и присно и во веки веков. Аминь.